

راحوا هلي وظليت أصفگ بديه
دهري الخذلهم فرگ شملهم

دار الكرم يا حيف أمست خليه
أبعد زملهم وأنه بأملهم

من المدينه بليل أرحل ضعنهم
ولتمن اعله الروح حزني وحزنهم
وأنشد الريح جاي من شوگي عنهم
طارش وصل ظنيت يلفيني منهم

راحوا ولياني وعافوني
وبالموت أتنازع خلوني
أترى ومشبوحة اعيوني
شنهو الصار وما فگدوني

روضة مجدهم تبجي الفگدهم
أنتشد امن الناس ليلي ونهاري

دهري البعدهم ما ظن يردهم
بيهم حدی الياصوب حادي المنيه

ودعت ظن الروح من ودعتهم
وفارگت عيني النوم من فارگتهم
هذا السفر لاوين ما ناشدتهم
لو عندي همه وروح چان اتبعتم

وگلبی يگلي وياهم روي
واعليهم ما بطل نوي
محتاره ابغيبتهم روي
متوسعه وچتاله اجرروي

طول سفرهم وضيعت أثرهم
وليأكثر ناوين ما خبروني

وما رد خبرهم حيرني امرهم
ومنهم خبر لليوم ما رد عليه

راحوا هلي وظليت أصفگ بديه
دهري الخذلهم فرگ شملهم

دار الكرم يا حيف أمست خليه
أبعد زملهم وأنه بأملهم

محتار اوصف اشلون حال العليله
ونت بتالي الليل ونه ثجيله
او صاحت او دمع العين عاخذ تسيله
غيبة هلي الطيبين صارت طويله

وما ظن تتوصف حالتها
وتهدم الروح ابونتها
حنيت ولتهبت حسرتها
وايام الموت ذكرتها

طول أملها وحنيت لملها
خلها تون وتصيح وين النشامه

ومحد وصلها وبليجري گلها
أهل الكرم والجود واهل الحميه

بدروب اليمرون لگعد واتاني
من حگي يا هالناس يشتد حناني
من راحوا ولليوم مدري اشد هاني
أترى بلجي يعود بيهم زماني

وضعون العريان أنشدها
وشحال التفگد والدها
روحي اتحن كلما هوّدها
والملگه اجر وحي ايضمّدها

اجر وحي تراها عدهم دواها
مر الصبر چتال وأنه جرعته

وروحي رجاها يحصل شفاها
مثل العسل لو چان عادوا إليه

راحوا هلي وظليت أصفگ بديه
دهري الخذلهم فرگ شملهم

دار الكرم يا حيف أمست خليه
أبعد زملهم وأنه باملهم

وينه اليجد بالسير يوصل احبابي
ويسلم أبوي حسين بيده كتابي
وأنه الكتبتة بلون دمعة عتابي
وللوالد اشرح بيه قصة عذابي

ويعود ابساع اليخبرني
بلچن يقراه ويذكرني
وبلوعة وكتي الحيرني
وفراگه الأكثر مرمري

لو ما يجيني وتشوفه عيني
گريت منيتي وخاف ما بعد اشوفك

يشد حنيني ويثگل حنيني
يا بويه يمته اتعود يبن الزچيه

كل غايب ايگولون من غيبته ايعود
وغيابك اچتال ما حدته احدود
وجهت وجهي وسال دمعي اعله الخدود
فاگده وصحت ابصوت لطفك يمعبود

ولو سافر يرجع لدياره
خلاني ابزني ومحتاره
وگلبني الفاگد شبت ناره
أنشد عالوالي وأخباره

عنه سؤالي وعليه غالي
أبگی انتظر ويهون صبر الليالي

واشكي له حالي واللي جرى لي
وظل أمل لو راح للغاضريه